

# Program anak angkat Unimas di Kampung Endap



MESRA... Residen Bahagian Samarahan Rodziah Morshidi bertanya sesuatu kepada salah seorang peserta Nur Hamizah yang berasal dari Rembau, Negeri Sembilan sambil diperhatikan oleh Pegawai Daerah Mohd Aini Wahab, Penghulu Haji Awang Ali dan keluarga angkat Puan Zaarah Haji Razali.

UTUSAN SARAWAK  
(SELASA, 18/8/2009) P.1

...semua mahasiswa dan mahasiswi dapat menjadikan program itu sebagai batu loncatan untuk benar benar memahami situasi sebenar penduduk kampung (keluarga angkat) sebelum melangkah ke pekerjaan sebagai seorang doktor setelah menamatkan pengajian nanti.



**M**AHASISWA dan mahasiswi Universiti Malaysia Sarawak (Unimas) didedahkan dengan cara hidup masyarakat kampung menerusi Program Anak Angkat yang diadakan Jabatan Komuniti dan Kesihatan Awam Fakulti Perubatan dan Sains Kesihatan Unimas dengan kerjasama Jawatankuasa Kecil Kemajuan dan Keselamatan Kampung (JKKK) Kampung Endap baru-baru ini.

Seramai 105 mahasiswa dan mahasiswa Tahun 1 Fakulti Perubatan (Kursus Kesihatan Keluarga) menyertai program itu bagi membolehkan mereka merasai sendiri pengalaman beramal dengan keluarga angkat masing-masing membabitkan

50 keluarga angkat yang terdiri daripada penduduk Kampung Endap.

Residen Bahagian Samarahan, Rodziah Morshidi berharap semua mahasiswa dan mahasiswi dapat menjadikan program itu sebagai batu loncatan untuk benar-benar memahami situasi sebenar penduduk kampung (keluarga angkat) sebelum melangkah ke pekerjaan sebagai seorang doktor setelah menamatkan pengajian nanti.

"Program ini juga boleh

menjadi platform untuk mengenengahkan lagi Kampung Endap di mata masyarakat supaya lebih dikenali, selain sebagai motivasi kepada golongan muda kampung untuk mencontohi mereka yang berjaya," katanya.

Ketua Jabatan Fakulti Perubatan UNIMAS, Profesor Madya Dr. Kamaludin Bakar berkata, program berkenaan merupakan wadah dan peluang keemasan kepada mahasiswa dan mahasiswi yang perlu dimanfaatkan

sepenuhnya untuk menimba pengalaman yang berguna dalam situasi sebenar bersama keluarga angkat masing-masing.

"Melalui program seumpama ini juga mahasiswa dan mahasiswi dapat memahami kehidupan masyarakat setempat dengan lebih dekat," katanya.

Selain program anak angkat yang diadakan di dewan Sri Payung itu saringan kesihatan kepada penduduk kampung juga diadakan.